

# 華資工廠調查錄

(專訪梅)

## (六十七) 齊家織造廠

近年言織造廠者，多以機械之廠家為標準，而不知手織廠亦正有其優點焉。查本港之有織造業為時不過廿年，始多為手織之廠家，迄乎現在，則因種種之關係，所餘已無幾，旺角齊家織造廠，即手織廠中之表表者也。成立於十四年前，頗得風氣之先，故集資本不必多，(計一萬元)而生意亦自有過人之處，出品為毛織之笠衫厚衫，及近年婦女最時興之外衣等，因款式之新穎，極得社會人士之信用，故且十餘

年，同業之收盤者收盤，倒閉者倒閉，而該廠仍一往而前，依然屹立，即其銷場往常在內地未加稅前，大多運去廈門潮州汕頭福州一帶，惟自實行新稅則後，因成本之關係，而價格又不能多取，故已完全停配，現唯一之銷路，只靠南洋群島云，營業狀況，據該廠主人李志公君答記者之問謂，在早年最旺時每年約做生意十萬元，現因世界不景，及內地加稅，雙重壓迫之下，以去年計之，營業不及一萬元

、即以工人而論，前者用一百餘人，現亦不過用回女工廿餘人耳，論及本業之將來，李君則頗覺前途未有如所傳之悲觀，據謂一企業之成敗，並非完全受外物所影響，苟自身能有健全之魄力，以求其所以致敗之由，則事在人為，或亦非全無可救藥之日，若言不景氣而不思所以尋求出路之法，則無異束手待斃，以此而言經商，則雖無不景，亦未見其不敗云，味李君之言，察其事已往之實，蓋亦經驗之言也。

# 華資工廠調查錄

(專訪梅)

## (六十六) 李善記涼菓行

記者調查李話梅涼菓廠之翌日，乃再前赴九龍南昌街尾地段而調查李善記涼菓行焉，查南昌街尾為大山，廠乃傍山而設，占地頗多，雖為古式之工廠，而嘆其出品者，且津津有味，然該廠成立於十六年前，亦為涼菓行中之翹楚者，固屬個人之企業，故資本額不詳，其出品亦與其他之涼菓行無異，為應子陳皮梅等乃最為普遍者也，其銷場約以南洋羣島及菲律賓方面為大宗，然

此不過就其直接去貨而言，若經辦家手，則分寄世界各大埠，即該廠中人亦不知何埠銷多，何埠銷少也，營業狀況，據負責人黃某謂記者，謂年中約有二十餘萬元，此業既無外貨與之競爭，故無需乎大減價，營業又以華僑為主體，加以貨價，只在經濟危機中，人亦每購買而不覺，此無怪黃君之謂記者謂，彼等誠不知不察氣為何物，是誠以足自豪

也，工人共有男女工一百二十餘人，大部份為女工，每日約有工值七八毫，少者亦得二三毫，實比織造廠中之女工所獲為多，果工則為長工，月入約在十餘二十元之間云，查舊式商人之經營商業，大多不重形式而重實際，故該廠年中雖有數十萬元之生意，然而就其外表觀之，會無有以年中能獲如許生意潤之者，若在外商則不知其形式裝璜至若何程度矣，此中國廠商之所以為中國廠商歟。